

23 JUN, 2025

## 48 pasar tamu di seluruh Sabah siap dinaik taraf

Utusan Borneo Sabah, Malaysia

Page 1 of 3

# 48 pasar tamu di seluruh Sabah siap dinaik taraf

## Libatkan peruntukan sebanyak RM15.6 juta menerusi FAMA

Oleh Kennedy Corleus

**SOOK:** Sebanyak 48 pasar tamu di seluruh Sabah terlibat dalam projek naik taraf dan pembinaan baharu kini siap sepenuhnya.

Timbalan Menteri Pertanian dan Keterjaminan Makanan, Datuk Arthur Joseph Kurup berkata, pelaksanaan projek itu melibatkan peruntukan sebanyak RM15.6 juta daripada Kerajaan Pusat melalui Lembaga Pemasaran Pertanian Persekutuan (FAMA).

"Penyatakan pasaran ini yang bermula pada 25 September 2024 dan siap sepenuhnya pada 2 April 2025. Usaha ini adalah sebahagian daripada inisiatif FAMA dalam memperkuuh jaringan pemasaran hasil tani luar bandar serta menyokong

Dasar Jaminan Makanan Negara.

"Sebelum ini para peniaga di sini hanya gunakan meja kayu dan memasang kanvas untuk melindungi daripada kepanasan matahari dan hujan. Saya telah mengenalpasti potensi besar di sini untuk pembangunan kawasan terutamanya dengan pembangunan yang telah dan sedang rancak dilaksanakan," katanya.

Beliau berkata demikian kepada pemberita selepas merasmikan Pasar Tamu Rancangan Belia Tiulon di Sook, baru-baru ini.

Turut hadir Ketua Pengarah Lembaga Pemasaran Pertanian Persekutuan (FAMA), Abdul Rashid Bahri; Pengarah FAMA Negeri Sabah dan Wilayah Persekutuan Labuan, Sarman Sidno serta Pengarah Bahagian Insti-

tusi Pasaran FAMA, Mohd. Shahrizan Mansor.

Dalam pada itu, Arthur yang juga Ahli Parlimen Pensiangan berkata, langkah berkenaan merupakan sebahagian daripada inisiatif berterusan kerajaan dalam memperkasa sektor pemasaran hasil pertanian luar bandar, khususnya bagi menyediakan kemudahan yang lebih selesa dan kondusif kepada usahawan tani tempatan.

Jelasnya, projek itu dilaksanakan secara berperingkat, dengan keutamaan diberikan kepada pasar tamu yang dikenal pasti memerlukan pembaikan segera atau tidak lagi sesuai digunakan.

Tambahnya, pelaksanaan projek itu dijangka mampu meningkatkan daya saing produk agro tempatan, selain

jugalaharap dapat menggalakkan semangat keusa-

hawanan dan memelihara budaya pasar tradisional yang

menjadi identiti masyarakat luar bandar.

merancakkan lagi aktiviti ekonomi setempat.

Majlis yang diadakan di lokasi pasar tamu itu sendiri berjaya menghimpunkan pelbagai lapisan masyarakat termasuk pemimpin tempatan, pegawai kerajaan dan para usahawan tani dari sekitar kawasan Sook.

Pasar Tamu Rancangan Belia Sook mula diwujudkan pada 2021 dengan hanya lapan orang peniaga, dan kini berkembang kepada 40 peniaga tetap.

Dengan penyatakan itu, pasar tamu kini menawarkan ruang yang lebih kondusif dan sistematik kepada usahawan tempatan untuk menjalankan perniagaan mereka, di samping menjadi tarikan ekonomi mingguan yang berpotensi untuk komuniti setempat.

Kemudahan berkenaan



23 JUN, 2025

## 48 pasar tamu di seluruh Sabah siap dinaik taraf

Utusan Borneo Sabah, Malaysia

Page 2 of 3



**MESRA:** Arthur bersama tetamu kehormat lain sedang beramah mesra dengan sebahagian peniaga yang berjualan di Pasar Tamu Rancangan Belia Sook.



23 JUN, 2025

## 48 pasar tamu di seluruh Sabah siap dinaik taraf

Utusan Borneo Sabah, Malaysia

Page 3 of 3

### SUMMARIES

Libatkan peruntukan sebanyak RM15.6 juta menerusi FAMA

SOOK: Sebanyak 48 pasar tamu di seluruh Sabah terlibat dalam projek naik taraf dan pembinaan baharu kini siap sepenuhnya. Timbalan Menteri Pertanian dan Keterjaminan Makanan, Datuk Arthur Joseph Kurup berkata, pelaksanaan projek itu melibatkan peruntukan sebanyak RM15.6 juta daripada Kerajaan Pusat melalui Lembaga Pemasaran Pertanian Persekutuan (FAMA)."Penaiktarafan pasar ini yang bermula pada 25 September 2024 dan siap sepenuhnya pada 2 April 2025.